



Republika e Kosovës / Republika Kosovo / Republic of Kosovo

Kuvendi Komunal Rahovec/Skupština Opštine Orahovac/Municipal Assembly Rahovec

Drejtoria për Ekonomi, Zhvillim dhe Turizëm
Odeljenje za Privredu, Razvoj i Turizam
Department of Economy, Development and Tourism



REPUBLIKA E KOSOVES
REPUBLIKA KOSOVA
OPŠTINA E ORAHOVCIT - OPŠTINA ORAHOVAC
Zemlja za Privredu, Razvoj i Turizam
Odeljenje za Opštu Upravu

III- Nr. i prot. 1426 Më 07.04.2026
Br. prot. RAHOVEC - ORAHOVAC

DATE /A:	04.04.2026
PËR/ZA/TO :	z.Smajl Latifi, Kryetar i Komunës së Rahovecit
NGA/OD/FROM:	z.Altin Zhuniqi, Drejtor për Ekonomi, Zhvillim dhe Turizëm
LËNDA/SUBJEKAT/SUBJECT:	Raport i punës për periudhën Janar-Mars 2026

Gjatë periudhës janar-mars 2026, Drejtoria për Ekonomi, Zhvillim dhe Turizëm ka zhvilluar aktivitete të ndryshme:

- Ne kuartalin e parë të këtij viti prioritet ka qenë inkasimi i borxheve të mbetura nga vitet paraprake në sektorin e taksave afariste dhe qerese.

Gjatë kësaj periudhe janë bërë dërgesat e aktvendimeve për të gjitha bizneset të cilat ngarkohen me takse afariste sipas rregullores 01 NR 80/20

- Në këtë tre mujor, kemi vazhduar me vizita të ndryshme bizneseve lokale, shoqatën Enologjia dhe Shoqatën e Afaristeve në Rahovec. Në këto takime kemi diskutuar të arriturat dhe sfidat e bizneseve si dhe vazhdimin e bashkëpunimit me insitucionet publike. Në muajin Shkurt janë dërguar 5 biznese lokale në prodhim në tekstil, në panairin më të madh në Evropë që është mbajtur në Stamboll – Turki.

- Po ashtu janë monitoruar projektet kapitale, jemi në komunikim të vazhdueshëm me ministritë e linjës për të gjitha projektet që kemi në bashkëfinancim, jemi kujdesur për mirëmbajtjen e shtigjeve të ecjes dhe është bërë finalizimi i zyrës së Turizmit të Stacioni i Autobusave.

- Po ashtu është inciruar plotësim- ndryshimi i rregullores për Taksa Komunale (në nr 01/80)

- Gjatë kësaj periudhe, DEZHT ka përgatitur disa pika drejtuar Kuvendit Komunal në Rahovec:

- Propozimi për dhënie në shfrytëzim të lokalit të Parkut Qytetit
- Propozimi për dhënie në shfrytëzim të lokalit në rrugën Avudall Bugari 30m2
- Propozimi për dhënie në shfrytëzim afatgjatë, përmes shprehjes së interesit të pronës komunale Hotel Park Plaza

Sektori për Ekonomi:

-Në tre mujin e parë të vitit 2026, janë përgatitur aktvendimet për të gjitha bizneset të cilat sipas kodeve ekonomike ngarkohen me taksë afariste, ne total janë shperndare 847 atkvendime, dhe janë dërguar 286 Verejtje.

Të hyrat dhe ngarkesa në taksë komunale;aa

Nr.	Përshkrimi	2025	2026	Rritja ne %
1	Të hyrat në taksë komunale Janar - Mars	€ 8,092.00	€ 31,195.00	286%

Sektori për Zhvillim;

-Evidenca e të hyrave dhe ngarkesës së qirasë të lokaleve afariste dhe pronës së paluajtshme të Komunës së Rahovecit, sipas bazës së shfrytëzimit si pasuri e paluajtshme komunale me të cilat disponon komuna e Rahovecit, mbahet në mënyrë të rregullt.

- Komuna e Rahovecit, respektivisht Drejtoria për Ekonomi, Zhvillim dhe Turizëm i menaxhon gjithsejtë 42(dyzet e dy) kontrata

Në periudhën jana-mars 2026, janë lëshuar gjithsej 25 pëlqime të punës dhe janë dërguar me kohë verejtje për të gjitha bizneset të cilat kanë pasur vonesa në pagesat e qirasë, konform dispozitave ligjore që përcakton rregullorja për taksa komunale 01 NR: 80/20

Të hyrat nga qiratë;

Nr.	Përshkrimi	2025	2026	Rritja ne %
1	Të hyrat nga qiratë, Janar- Mars	€ 9,395.00	€ 24,557.75	161%

KOMUNA RAHOVEC

Drejtoria për Ekonomi, Zhvillim dhe Turizëm

Zyra e QKRB-së:

-Raporti është i bazuar në planifikimin, objektiva dhe detyrat e punës. Evidenca e regjistrimit të bizneseve të komunës së Rahovecit, sipas bazës së programit online të ARBK-së, mbahet në mënyrë të rregullt.

Tabela e kërkesave dhe e regjistrimit të bizneseve për periudhën janar-mars 2026:

Nr.	Përshkrimi	Nr.
1	Biznese të reja	18
2	Biznese të reja SH.P.K	31
4	Informata të Bizneseve	23
5	Shuarje të biznesit	0
6	Lëndë të anuluar	0
7	Çerteikata duplikat	0
8	Historiat Biznesi	0
9	Ndryshime në biznes	44
10	Vërtetim individual	1
11	Çertifikate Duplikat	1
	Gjithsej lëndë të përfunduara	118

Menaxhimi i Aseteve komunale

Gjatë periudhës janar – mars 2026, Sektori për Menaxhimin e Aseteve ka kryer një sërë detyrash dhe proceseve të rëndësishme në funksion të menaxhimit dhe administrimit të pasurive komunale. Ky raport pasqyron punën e realizuar, duke përfshirë përditësimin e të dhënave në sistemet zyrtare, krijimin e bazës së të dhënave, evidentimin e pasurive jashtë përdorimit dhe identifikimin e automjeteve jashtë përdorimit.

KOMUNA RAHOVEC

Drejtoria për Ekonomi, Zhvillim dhe Turizëm

Po ashtu, gjatë periudhës raportuese ky sektor ka kryer këto aktivitete:

Përditësimi i të dhënave në SIMFK dhe krijimi i bazës së të dhënave

Një nga aktivitetet kryesore ka qenë përditësimi dhe përpunimi i të dhënave në sistemin SIMFK, ku janë sistemuar të gjitha të dhënat për pasuritë sipas klasifikimit përkatës. Janë përfshirë edhe të dhënat e viteve paraprake, duke siguruar saktësi dhe përditësim të regjistrave kontabël. Gjithashtu, gjatë kësaj periudhe është krijuar një bazë e të dhënave në Excel, e cila shërben si arkiv digjital dhe mjet ndihmës për menaxhim dhe raportim më efikas të pasurive komunale.

Evidentimi i pasurive jashtë përdorimit

Gjatë muajit mars 2026 është realizuar evidentimi i pasurive jo financiare jopakitale jashtë përdorimit në institucionet komunale, përfshirë shkollat, administratën komunale dhe QKMF. Ky proces ka përfshirë identifikimin dhe regjistrimin e pasurive që nuk janë më funksionale ose nuk përdoren, me qëllim krijimin e një pasqyre të saktë mbi gjendjen reale të tyre.

Identifikimi i automjeteve jashtë përdorimit

Me vendim të Kryetarit të Komunës është formuar komisioni për identifikimin dhe regjistrimin e automjeteve jashtë përdorimit. Pas verifikimeve në terren, janë identifikuar gjithsej 9 automjete jashtë përdorimit. Ky proces ka kontribuar në evidentimin e saktë të gjendjes së flotës së automjeteve dhe krijimin e bazës për trajtimin e tyre të mëtejshme administrativ

Sektori i Turizmit

Gjatë periudhës Janar – Mars 2026, Zyra për Informacione Turistike (TIC), në kuadër të Drejtorisë për Zhvillim Ekonomik dhe Turizëm (DZHET) në Komunën e Rahovecit, ka zhvilluar aktivitete të rëndësishme me qëllim avancimin e turizmit lokal, forcimin e bashkëpunimit institucional dhe krijimin e bazës strategjike për zhvillim të qëndrueshëm-

KOMUNA RAHOVEC

Drejtoria për Ekonomi, Zhvillim dhe Turizëm

Fokus i veçantë i është kushtuar zhvillimit të turizmit të verës, përmes kontakteve të vazhdueshme me veraritë dhe bodrumet lokale. Si e tillë, më 26 Mars 2026 është mbajtur një takim me rreth 10 prodhues të verës, ish anëtarë të Task Forces, ku është diskutuar për marketingun, promovimin dhe riaktivizimin e bashkëpunimit publiko-privat në këtë sektor. Po ashtu, bashkëpunimi me Shoqatën “Enologjia” ka vazhduar në drejtim të pjesëmarrjes në panaire ndërkombëtare dhe organizimit të aktiviteteve të përbashkëta.

Një arritje e rëndësishme ka qenë ri-funksionalizimi i Zyrës së TIC-ut, përmes sigurimit të hapësirës në Stacionin e Autobusave në Rahovec dhe bartjes së aseteve përkatëse. Zyra aktualisht është pjesërisht funksionale dhe pritet funksionalizimi i plotë pas zgjidhjes së çështjes së furnizimit me energji elektrike.

Në aspektin e bashkëpunimit institucional, janë zhvilluar kontakte me organizata si UNDP, KIESA dhe KFOR, si dhe është hartuar dhe dorëzuar një projekt për promovimin e turizmit. Po ashtu, është iniciuar bashkëpunimi me Bashkinë e Lushnjës për zhvillim të përbashkët në fushën e agroturizmit.

Në planin strategjik, është përditësuar Plani i Punës së TIC-ut 2026–2028 dhe është hartuar projekti “Zbulo Rahovecin – Promovimi i Turizmit”. Paralelisht, është iniciuar procesi për ribrendimin e sektorit të turizmit përmes nisjes së procedurave të prokurimit për dizajnim të logos së TIC-ut dhe për hartim të Termave të Referencës përkatëse. Gjithashtu, janë ndërmarrë hapa për zhvillimin e Planit për Trashëgimi Kulturorë dhe për identifikimin e projekteve në fushën e agroturizmit dhe turizmit rural.

Në fushën e promovimit, janë zhvilluar aktivitete për përgatitjen e materialeve turistike dhe krijimin e platformës digjitale “Rahovec Tourism”, si dhe janë shqyrtuar mundësitë për pjesëmarrje në panaire turistike.

Në aspektin administrativ, TIC ka kontribuar në ristrukturimin e brendshëm të DZHET-it dhe në përditësimin e pikave turistike në përputhje me udhëzimet administrative për sinjalizimin turistik.

Në përfundim, ky tremujor karakterizohet nga hapa konkret në drejtim të konsolidimit institucional, forcimit të bashkëpunimit dhe krijimit të kushteve për zhvillim të qëndrueshëm të turizmit në Komunën e Rahovecit.

KOMUNA RAHOVEC